

GWENT



Adroddiad Blynyddol

Cyflwyniad

Mae'n bleser gennym gyflwyno Adroddiad Blynyddol MAPPA 2021/22 Bwrdd Rheoli Strategol Trefniadau Amlasiantaethol ar gyfer Amddiffyn y Cyhoedd Gwent.

Mae 2022 wedi bod yn flwyddyn o ddatblygiadau a newid i MAPPA. Wrth i ni barhau i ail-afael ar bethau yn dilyn pandemig COVID-19, mae llwyddiant ac effeithiolrwydd MAPPA yn amlwg i'w weld, ac mae hyn yn tystio i ymrwymiad ac ymroddiad pob asiantaeth i sicrhau bod ein cymunedau'n cael eu hamddiffyn rhag niwed.

Mae'r adroddiad hwn yn amlinellu'r gwaith y mae'r Bwrdd Rheoli Strategol wedi'i wneud i wella effeithiolrwydd MAPPA yn ystod y flwyddyn wrth reoli unigolion sydd wedi'u hasesu fel y rhai sy'n peri risg o niwed difrifol. Hefyd, mae'r adroddiad hwn yn gyfle i ni arddangos lefel ein hatebolrwydd i'r cymunedau lleol y ydym yn eu gwasanaethu.

Mae amddiffyn y cyhoedd a dioddefwyr trosedd wrth wraidd beth mae Awdurdod Cyfrifol MAPPA (yr Heddlu, y Carchardai a'r Gwasanaeth Prawf) yn ceisio cyflawni. Mae popeth rydym yn ei wneud yn canolbwyntio ar sicrhau diogelwch parhaus ein cymunedau. Cefnogir hyn gan gyfraniad gwerthfawr y Ddyletswydd i Gydweithredu ac asiantaethau eraill. Canran fechan o'r holl droseddau y mae'r pedwar heddlu yng Nghymru yn delio â nhw yw troseddau rhywiol a threisgar. Fodd bynnag, mae'r troseddau hyn yn cael effaith ddinistriol ar y dioddefwyr a'r cymunedau. Mae'r adroddiad hwn yn rhoi sicrwydd i aelodau'r cyhoedd bod yna ymdrech ymrwymedig ar draws yr holl asiantaethau i gyfathrebu a gweithio ar y cyd i gadw pobl yn saff.

Nid yw byth yn bosib cael gwared yn gyfan gwbl â'r holl risgiau a berir gan droseddwyr difrifol. Fodd bynnag, beth allwch ddisgwyl yw bod pob cam rhesymol wedi'i gymryd i leihau'r risg o niwed difrifol i'r cyhoedd gan droseddwyr hysbys a'n bod yn hyrwyddo adsefydlu. Felly, mae'r adroddiad hwn yn cynnwys nid yn unig gwybodaeth ystadegol am y rhai hynny sydd wedi cael eu rheoli dan MAPPA yn ystod y flwyddyn busnes diwethaf, ond mae hefyd yn cynnwys gwybodaeth am sut mae'r trefniadau hyn yn gweithio'n ymarferol yn lleol.

Yn adroddiad blynyddol 2020/21, soniwyd am ddatblygiadau sylweddol yn dilyn adolygiad annibynnol o ddulliau rheoli unigolion sy'n gysylltiedig â gwrthderfysgaeth. Yn dilyn hynny, mi wnaeth y Gwasanaeth Prawf greu Adran Diogelwch Gwladol arbenigol, ymroddedig a medrus iawn sy'n darparu lefel uwch o reolaeth ac ymyrraeth ar gyfer yr unigolion mwyaf risg uchel, cymhleth ac uchel eu proffil yn y gymuned.

Yn ystod y flwyddyn fusnes diwethaf, mae Cydlynwyr MAPPA yng Nghymru wedi bod yn gysylltiedig ag ail ddylunio Hyfforddiant Cenedlaethol ar gyfer staff y

Gwasanaeth Prawf. Mae nifer o newidiadau wedi'u gwneud i ganllawiau MAPPA hefyd sydd wedi arwain at gyflwyniad Fframwaith Polisi Lefel 1 MAPPA, pennod newydd ar Gamdriniaeth Ddomestig a Stelcian a chyflwyniad Categori 4 (Troseddwyr Terfysgol neu Droseddwyr sydd mewn Risg o gyflawni Troseddau Terfysgol). Croesawir y newidiadau hyn ac maent yn brawf o'r ymrwymiad parhaus i sicrhau diogelwch y cyhoedd. Mae'r staff yng Nghymru wedi ymateb ac maent yn parhau i gyfrannu at ymgynghoriadau cenedlaethol ar Ganllawiau MAPPA, er mwyn sicrhau bod yna gynrychiolaeth o Gymru sy'n dylanwadu ar benderfyniadau a newidiadau i bolisiau MAPPA.

Mae llwyddiannau'r Bwrdd Rheoli Strategol yn adlewyrchu'r cyfraniadau sylweddol a wnaed gan yr holl asiantaethau sy'n ymwneud â MAPPA ledled Gwent, a hoffwn ddiolch i'n holl bartneriaid sydd wedi cyfrannu at y trefniadau hyn dros y flwyddyn ddiwethaf. Mae ehangder profiad ac arbenigedd aelodau MAPPA yn eithriadol, ac nid oes amheuaeth ynghylch lefel ymrwymiad asiantaethau i gyflawni'r safonau uchaf. Hyderwn hefyd bod yr adroddiad hwn yn dangos ymrwymiad a phroffesiynoldeb ein staff sy'n gwneud gwaith heriol a chymhleth sydd yn anaml iawn yn dod i sylw'r cyhoedd. Mae eu hymrwymiad yn hanfodol i sicrhau bod ein cymunedau yn aros yn ddiogel.

Wrth gyflwyno'r adroddiad hwn i chi, gobeithiwn ei fod yn darparu mewnwelediad gwerthfawr i'n gwaith a'i fod yn tawelu eich meddwl mai amddiffyn y cyhoedd ac anghenion dioddefwyr yw ein prif flaenoriaethau o hyd.

Nicola Davies,
Cyfarwyddwr Rhanbarthol Cymru
Y Gwasanaeth Prawf



Beth yw MAPPA?

Cefndir MAPPA

Cyfes o drefniadau yw MAPPA (Trefniadau Amlasiantaethol ar gyfer Amddiffyn y Cyhoedd) i reoli'r risg a gyflwynir gan y troseddwr rhyw, treisgar a therfysgol gwaethaf (troseddwr cymwys am MAPPA) o dan ddarpariaethau adrannau 325 i 327B Deddf Cyfiawnder Troseddol 2003.

Daw'r trefniadau â gwasanaethau'r Heddlu, y Gwasanaeth Prawf a'r Gwasanaeth Carchardai ym mhob un o'r 42 Ardal yng Nghymru a Lloegr at ei gilydd ac fe'i elwir yn Awdurdod Cyfrifol MAPPA.

Mae gan nifer o asiantaethau eraill Ddyletswydd i Gydweithredu (DTC) â'r Awdurdod Cyfrifol. Mae'r rhain yn cynnwys Gwasanaethau Cymdeithasol, Gwasanaethau Iechyd, Timau Troseddwr Ifanc, Yr Adran Gwaith a Phensiynau a'r Awdurdodau Addysg a Thai Lleol.

Mae'r Byrddau Rheoli Strategol (SMB) Lleol sy'n cynnwys uwch gynrychiolwyr o bob un o'r Awdurdodau Cyfrifol ac asiantaethau DTC yn gyfrifol am gyflwyno MAPPA yn eu hardaloedd. Mae'n ofynnol hefyd i'r Awdurdod Cyfrifol benodi dau Gyngorydd Lleyg i eistedd ar Fwrdd Rheoli Strategol pob ardal MAPPA.

Mae Cynghorwyr Lleyg yn aelodau o'r cyhoedd sydd heb unrhyw gysylltiad â'r gwaith o reoli troseddwr MAPPA, a benodir gan y Gweinidog. Maent yn gweithredu fel arsyllwyr annibynnol ond gwybodus, a gallant ofyn cwestiynau na fyddai staff proffesiynol sy'n gweithio yn y maes efallai'n meddwl eu gofyn. Maent hefyd yn cyfrannu eu dealltwriaeth a'u persbectif ar y gymuned leol (lle mae'n rhaid iddynt fod yn byw a bod â chysylltiadau cryf) i'r Bwrdd Rheoli Strategol.

Sut mae MAPPA yn gweithio?

Mae troseddwr cymwys am MAPPA yn cael eu hadnabod ac mae gwybodaeth amdanynt yn cael ei rhannu rhwng asiantaethau fel sail i asesiadau risg a chynlluniau rheoli risg y bobl sy'n eu rheoli neu eu goruchwylio.

Dyna cyn belled ag y mae MAPPA yn mynd yn y rhan fwyaf o achosion. Ond, mewn rhai achosion, mae angen mwy o reolaeth amlasiantaethol strwythuredig. Yn yr achosion hyn cynhelir cyfarfodydd MAPPA rheolaidd lle daw ymarferwyr o'r asiantaethau perthnasol ynghyd.

Mae tri chategori o droseddwr cymwys am MAPPA:

- **Categori 1** – troseddwr sy'n destun gofynion hysbysu troseddwr rhyw
- **Categori 2** – troseddwr treisgar yn bennaf sydd wedi eu dedfrydu i 12 mis neu fwy yn y carchar neu i orchymyn ysbyty; a
- **Categori 3** – troseddwr nad ydynt yn gymwys o dan Categori 1 na 2 ond sy'n peri risg o niwed difrifol ar y pryd.

Cafodd pedwerydd categori ar gyfer troseddwr terfysgol neu droseddwr sydd mewn risg o gyflawni troseddau terfysgol ei gyflwyno yn sgil Deddf yr Heddlu, Troseddu, Dedfrydu a'r Llysoedd 2022 ar ôl y cyfnod a gwmpesir yn yr adroddiad hwn.

Mae tair lefel o reolaeth i sicrhau bod adnoddau'n cael eu targedu lle mae fwyaf eu hangen; fel arfer yn ymwneud â risg uwch o niwed difrifol.

- **Lefel 1** yw ble mae'r asiantaeth arweiniol yn rheoli'r troseddwr ac yn rhannu gwybodaeth ac yn cael cefnogaeth gan asiantaethau eraill yn ôl yr angen, ond heb unrhyw gyfarfodydd MAPPA ffurfiol;
- **Lefel 2** yw lle mae angen cynnal cyfarfodydd MAPPA ffurfiol i reoli'r troseddwr;
- **Lefel 3** yw lle mae'r cynlluniau rheoli risg yn gofyn am bresenoldeb ac ymrwymiad adnoddau ar lefel uwch yng nghyfarfodydd MAPPA.

Cefnogir MAPPA gan ViSOR. System Technoleg Gwybodaeth genedlaethol yw hon i helpu i reoli troseddwr sy'n peri risg ddirifol o achosi niwed i'r cyhoedd. Mae defnyddio ViSOR yn ei gwneud yn haws rhannu gwybodaeth rhwng sefydliadau a throsglwyddo

gwybodaeth allweddol yn ddiogel pan fydd troseddwyd risg uchel yn symud, gan wella unrhyw fesurau amddiffyn y cyhoedd. Mae ViSOR yn golygu bod staff yr Heddlu, y Gwasanaeth Prawf a'r Gwasanaeth Carchardai yn gallu gweithio ar yr un system TG am y tro cyntaf, gan wella ansawdd ac amseroldeb asesiadau risg ac ymyriadau i atal troseddu.

MAPPA a Therfysgaeth

Mi wnaeth y llywodraeth gyhoeddi Adolygiad Annibynnol o'r MAPPA a ddefnyddir i Oruchwylio Troseddwyd Terfysgol a Throseddwyd sydd mewn Risg o Gyflawni Troseddau Terfysgol ar yr 2il o Fedi 2022 a chyhoeddodd ymateb iddo ar y 9fed o Ragfyr. Mae'r ddwy ddogfen ar gael yn <https://www.gov.uk/government/publications/multi-agency-public-protection-arrangements-review>. Mi wnaeth yr adroddiad gyflwyno nifer o argymhellion, ac mae nifer ohonynt wedi'u gweithredu drwy Ddeddf Gwrthderfysgaeth a Dedfrydu 2021 a Deddf yr Heddlu,

Troseddu, Dedfrydu a'r Llysoedd 2022. Mae'r Ysgrifennydd Gwladol hefyd wedi ail-edrych ar y Canllawiau MAPPA statudol ar gyfer troseddwyd terfysgol.

Mae'r Gwasanaeth Prawf, drwy ei Adran Diogelwch Gwladol, wedi sefydlu gweithlu arbenigol, ymroddedig a medrus iawn sy'n darparu lefel uwch o reolaeth ac ymyrraeth ar gyfer y troseddwyd mwyaf risg uchel, cymhleth ac uchel eu proffil yn y gymuned. Mae hyn yn cynnwys rheoli troseddwyd sy'n gysylltiedig â therfysgaeth a throseddwyd sy'n peri risg o derfysgaeth. Mae'r NSD a Phlisma Gwrthderfysgaeth yn gweithio'n agos â Byrddau Rheoli Strategol lleol i sicrhau bod achosion o derfysgaeth yn cael eu rheoli'n gadarn.

Cyhoeddir pob adroddiad MAPPA o Gymru a Lloegr ar-lein yn: www.gov.uk

Ystadegau MAPPA

Troseddwy'r cymwys am MAPPA ar 31 Mawrth 2022

	Categori 1: Troseddwy'r rhyw cofrestredig	Categori 2: Troseddwy'r treisgar	Categori 3: Troseddwy'r peryglus eraill	Cyfanswm
Lefel 1	849	255	-	1103
Lefel 2	19	34	10	63
Lefel 3	1	0	0	1
Cyfanswm	868	289	10	1167

Troseddwy'r cymwys am MAPPA yn Lefel 2 a 3 yn ôl categori (cyfanswm blynyddol)

	Categori 1: Troseddwy'r rhyw cofrestredig	Categori 2: Troseddwy'r treisgar	Categori 3: Troseddwy'r peryglus eraill	Cyfanswm
Lefel 2	24	45	4	73
Lefel 3	4	0	1	5
Cyfanswm	28	45	5	78

Troseddwy'r rhyw cofrestredig (RSO) a gafodd rybudd neu euogfarn am dorri gofynion hysbysu	26
---	----

Troseddwy'r RSO lle penderfynwyd diddymu eu gofyniad hysbysu gydol oes yn dilyn gwneud cais	1
--	---

Gorchmynion cyfyngu ar gyfer troseddwy'r Categori 1

Gorchmynion Atal Niwed Rhywiol (SHPO), Gorchmynion SHPO gyda chyfyngiad ar fynd dramor a Gorchmynion Hysbysu (NO) a osodwyd gan y llysoedd	
SHPO	52
SHPO gyda chyfyngiad ar fynd dramor	0
NO	1

Nifer y bobl a ddaeth yn destun gofynion hysbysu yn dilyn torri Gorchmyn Risg Rhywiol (SRO)	0
--	---

Troseddwy'r Lefel 2 a 3 wedi eu dychwelyd i'r carchar

	Categori 1: Troseddwy'r rhyw cofrestredig	Categori 2: Troseddwy'r treisgar	Categori 3: Troseddwy'r peryglus eraill	Cyfanswm
Torri Amodau Trwydded				
Lefel 2	4	16	3	23
Lefel 3	0	0	0	0
Cyfanswm	4	16	3	23
Torri Gorchymyn Atal Troseddau Rhyw (SOPO)				
Lefel 2	0	-	-	0
Lefel 3	0	-	-	0
Cyfanswm	0	-	-	0

Cyfanswm Troseddwy'r Rhyw Cofrestredig am bob 100,000 o bobl	166
---	-----

Mae'r ffigur hwn wedi'i gyfrifo gan ddefnyddio amcangyfrifon poblogaeth cyfrifiad 21 Mawrth 2021, a gyhoeddwyd gan y Swyddfa Ystadegau Gwladol ar 28 Mehefin 2022, ac eithrio'r rhai hynny sydd dan ddeg oed.

Yn y gorffennol, rydym wedi seilio'r ffigur hwn ar amcangyfrif o'r boblogaeth canol y flwyddyn (30 Mehefin). Fel y cyfryw, gallai'r ffigur cyfredol fod yn wahanol i'r ffigur cyfatebol sy'n seiliedig ar amcangyfrif o'r boblogaeth breswyl canol 2021, a fydd yn cael ei gyhoeddi gan y Swyddfa Ystadegau Gwladol yn hwyrach eleni.

Sylwebaeth esboniadol ar y tablau ystadegol

Cefndir MAPPA

Mae cyfanswm y troseddwr cymwys am MAPPA, yn ôl categori, yn adlewyrchu'r darlun fel yr oedd ar 31 Mawrth 2022 (h.y. ciplun ydyw). Mae gweddill y data'n ymwneud â'r cyfnod rhwng 1 Ebrill 2021 a 31 Mawrth 2022.

(a) Troseddwr cymwys am MAPPA – mae yna nifer o droseddwr a ddiffinnir o dan y gyfraith fel rhai sy'n gymwys am reolaeth MAPPA, oherwydd eu bod wedi cyflawni troseddau rhyw a threisgar penodol neu oherwydd eu bod ar y pryd yn peri risg o niwed difrifol, er bod y rhan fwyaf yn cael eu rheoli o dan drefniadau Lefel 1 heb gyfarfodydd MAPPA ffurfiol. Mae'r ffigurau hyn yn cynnwys dim ond y troseddwr cymwys am MAPPA sy'n byw yn y gymuned. Nid ydynt yn cynnwys rhai sydd yn y carchar neu dan glo o dan y Ddeddf Iechyd Meddwl.

(b) Troseddwr sy'n destun Gofynion Hysbysu Troseddwr Rhyw – sef y rhai sydd angen hysbysu'r heddlu ynghylch eu henw, cyfeiriad a manylion personol eraill a rhoi gwybod am unrhyw newidiadau sy'n digwydd wedyn (sef y "gofyniad hysbysu"). Mae'r troseddwr hyn yn cael eu hasesu a'u rheoli gan yr heddlu. Mae'n bosib eu bod hefyd yn cael eu rheoli gan y gwasanaeth prawf neu'r gwasanaethau iechyd os ydynt yn destun trwydded neu orchymyn ysbyty. Mae methu â chydymffurfio â'r gofyniad hysbysu'n drosedd a gall arwain at uchafswm cosb o 5 mlynedd yn y carchar.

(c) Troseddwr Treisgar – mae'r categori hwn yn cynnwys troseddwr treisgar a therfysgol a ddedfrydwyd i garchar neu i'w cadw dan glo am 12 mis neu fwy, neu i'w cadw o dan orchymyn ysbyty. Mae hefyd yn cynnwys nifer fach o droseddwr rhyw nad ydynt yn destun gofynion hysbysu. Mae'r troseddwr hyn yn cael eu hasesu a'u rheoli gan y Gwasanaeth Prawf, y Tîm Troseddwr Ifanc neu gan Wasanaethau Iechyd Meddwl.

(ch) Troseddwr Peryglus Eraill – troseddwr nad ydynt yn gymwys o dan y ddau gategori cymwys am MAPPA arall, ond sy'n peri risg o niwed difrifol ar y pryd sydd angen ei reoli drwy gyfarfodydd MAPPA.

Mae'r troseddwr hyn yn cael eu hasesu a'u rheoli gan ba un bynnag asiantaeth sydd â'r prif gyfrifoldeb drostynt.

(d) Torri Trwydded – bydd troseddwr sy'n cael eu rhyddhau i'r gymuned ar ôl cyfnod yn y carchar yn cael eu rhoi ar drwydded gydag amodau (o dan oruchwyliaeth y gwasanaeth prawf). Os na fydd y troseddwr yn cydymffurfio â'r amodau hyn, bydd y Gwasanaeth Prawf yn cymryd camau tor-amod a gallai'r troseddwr gael ei alw'n ôl i'r carchar.

(dd) Gorchymyn Atal Niwed Rhywiol (SHPO) (gan gynnwys unrhyw gyfyngiad ychwanegol ar fynd dramor) - mae Gorchymynion Atal Niwed Rhywiol (SHPO) a Gorchymynion SHPO interim wedi cymryd lle'r hen Orchymynion Atal Troseddau Rhywiol. Eu pwrpas yw amddiffyn y cyhoedd rhag troseddwr a gafwyd yn euog o drosedd rhywiol neu dreisgar, ac sy'n peri risg o niwed rhywiol i'r cyhoedd, drwy osod cyfyngiadau a/neu gofynion ar eu hymddygiad. Maent yn gofyn bod y troseddwr yn rhoi eu manylion i'r heddlu (yn unol â Rhan 2 Deddf 2003) drwy gydol cyfnod y gorchymyn.

Rhaid i'r llys fod yn fodlon, ar ôl pwysu a mesur, bod angen y gorchymyn i amddiffyn y cyhoedd (neu unrhyw aelodau penodol o'r cyhoedd) yn y DU, neu blant neu oedolion bregus (neu unrhyw blant neu oedolion bregus penodol) dramor, rhag niwed rhywiol gan y troseddwr. Yn achos gorchymyn a wneir ar gais annibynnol gan Brif Gwnstabl, Yr Asiantaeth Troseddu Cenedlaethol (NCA), Yr Heddlu Trafnidiaeth Prydeinig (BTP) neu Heddlu'r Weinyddiaeth Amddiffyn (MODP), rhaid i'r Prif Gwnstabl/NCA/BTP/MODP allu dangos bod y troseddwr wedi ymddwyn yn y fath fodd ers ei gael yn euog fel bod angen gwneud y gorchymyn.

Y cyfnod lleiaf ar gyfer gorchymyn llawn yw pum mlynedd. Yr isafswm oed yw 10, sef oed cyfrifoldeb troseddol, ond pan fydd y diffynnydd o dan 18 oed, dylid ond ystyried cais am orchymyn mewn amgylchiadau eithriadol.

(e) Gorchymyn Hysbysu – mae'n rhaid i unigolion a gafwyd yn euog o gyflawni troseddau rhywiol cymwys dramor gofrestru â'r heddlu er mwyn amddiffyn y

cyhoedd yn y DU rhag y risg a gyflwynir ganddynt. Gall yr heddlu yng Nghymru a Lloegr gyflwyno gorchymyn hysbysu i droseddwr sydd eisoes yn y DU neu sy'n bwriadu dod i'r DU, a rhaid iddo/i hysbysu'r heddlu am ei fanylion o fewn tridiau i'w gael. Mae gan droseddwr hawl i apelio yn erbyn hysbysiad.

(f) Gorchymyn Risg Rhywiol (gan gynnwys unrhyw gyfyngiad ychwanegol ar fynd dramor)-

mae'r Gorchymyn Risg Rhywiol (SRO) wedi disodli'r Gorchymyn Risg o Niwed Rhywiol (RoSHO) a gallai gael ei wneud ar gyfer unigolyn sydd heb ei gael yn euog o drosedd rhywiol neu dreisgar (nac unrhyw drosedd arall) ond sy'n peri risg o niwed rhywiol.

Gellir gwneud y SRO mewn llys ynadon ar gais yr heddlu, NCA, BTP neu MODP pan fydd unigolyn wedi cyflawni gweithred o natur rhywiol ac y mae'r llys yn fodlon bod yr unigolyn yn peri risg o niwed i'r cyhoedd yn y DU neu i blant neu oedolion bregus dramor.

Gall SRO wahardd yr unigolyn rhag gwneud rhywbeth a ddisgrifir yn y gorchymyn, gan gynnwys mynd dramor, neu gall osod gofynion ar ei ymddygiad. Rhaid i unrhyw waharddiad a/neu rywmedigaeth fod yn angenrheidiol i amddiffyn y cyhoedd yn y DU rhag niwed rhywiol, neu yng nghyswllt mynd dramor, amddiffyn plant neu oedolion bregus rhag niwed rhywiol.

Mae'n ofynnol i unigolyn gyda SRO hysbysu'r heddlu ynghylch ei enw a'i gyfeiriad cartref o fewn tridiau i orchymyn gael ei wneud a hefyd rhoi gwybod am unrhyw newidiadau i'r wybodaeth hon o fewn tridiau.

Gall SRO bara am ddwy flynedd o leiaf ond heb unrhyw uchafswm, ac eithrio unrhyw gyfyngiadau ar fynd dramor sy'n gallu, lle mae'n berthnasol, bara am bum mlynedd ar y mwyaf (ond gall gael ei adnewyddu).

Mae'r safon droseddol o brawf yn parhau i fod yn berthnasol. Gall yr unigolyn sy'n destun y gorchymyn apelio yn ei erbyn a gall yr heddlu neu'r unigolyn dan sylw wneud cais i amrywio, adnewyddu neu ddi-ddymu'r gorchymyn.

Mae torri SRO yn drosedd, ac o wneud hyn gellir anfon unigolyn i'r carchar am hyd at bum mlynedd. Pan fydd unigolyn yn torri ei SRO, bydd yn dod yn destun gofynion hysbysu llawn.

Erbyn hyn mae manylion unigolyn gyda SRO yn cael eu cofnodi ar VISOR fel Person Peryglus Posib (PDP).

(ff) Diddymu gofynion hysbysu gydol oes drwy wneud cais -

mae her gyfreithiol yn 2010 ac ymateb deddfwriaethol o ganlyniad yn golygu bod trefniadau bellach mewn lle sy'n caniatáu i unigolion cymwys wneud cais am adolygiad o'u gofynion hysbysu. Ni fydd unigolion yn cael eu tynnu oddi ar y gofrestr yn awtomatig. Gall troseddwr cymwys gyflwyno cais i'r heddlu i adolygu eu gofynion hysbysu penagored.

Bydd yr heddlu yn adolygu'r cais ac yn penderfynu a ddylid dileu'r gofynion hysbysu ai peidio.

Uwcharolygydd fydd yn gwneud y penderfyniad hwn. Bydd y rhai sy'n parhau i beri risg sylweddol yn aros ar y gofrestr trwy gydol eu hoes, os bydd angen.

Bydd unigolion gyda gofynion hysbysu penagored ond yn dod yn gymwys i ofyn am adolygiad ar ôl bod yn destun gofynion hysbysu penagored am o leiaf 15 mlynedd yn achos oedolion, ac 8 mlynedd yn achos troseddwr ifanc. Daeth hyn i rym ar 1 Medi 2012 ar gyfer troseddwr sy'n oedolion.

Tudalen leol

Gwasanaeth Carchardai a Phrawf Ei Mawrhydi (HMPPS) a Heddlu Gwent:

Amanda Lewis, Pennaeth Uned Gyflawni Gwasanaethau Prawf Gwent - Y Gwasanaeth Prawf

Nick McLain, Prif Gwnstabl Cynorthwyol, Heddlu Gwent

Mae gweledigaeth Bwrdd Rheoli Strategol (SMB) MAPPA Gwent i sicrhau bod troseddwyd yn cael eu rheoli ar y lefel iawn gydag adnoddau priodol yn cefnogi gwaith y Panelau Amlasiantaethol ar gyfer Amddiffyn y Cyhoedd (MAPPA) trwy Uned Gyflawni'r Gwasanaeth Prawf (PDU). Caiff y MAPPAs eu cadeirio ar y cyd gan y Gwasanaeth Prawf a'r Heddlu, ac mae pob Cadeirydd MAPPA yn sicrhau bod yr Awdurdodau Cyfrifol (RA)/asiantaethau Dyletswydd i Gydweithredu (DTC) yn rhan ohonynt er mwyn llunio cynlluniau rheoli risg llym ac agwedd gydweithiol wrth reoli ymddygiad troseddwyd ac wrth sgrinio achosion a drafodir yn ystod cyfarfodydd MAPPA. Mae'r RA a'r DTC yn parchu ei gilydd ac yn deall yr heriau y mae pob asiantaeth yn eu hwynebu, yn arbennig yr awdurdodau tai, ac mae hyn wedi creu perthynas fwy ymatebol rhyngddynt ac ymgais pellach i sicrhau bod adnoddau yn cael eu defnyddio mewn modd mwy cost effeithiol a phriodol. Mae uwch gynrychiolwyr o asiantaethau sy'n rhan o'r broses o reoli/cefnogi troseddwyd yn cael eu gwahodd i fynychu cyfarfodydd y SMB i gyflwyno nodau ac amcanion eu sefydliad a gwybodaeth am sut mae eu mewnbwn nhw yn ffitio i mewn i gynlluniau rheoli risg. Mae hyn yn ei dro yn cynyddu'r amrywiaeth o adnoddau sydd ar gael i geisio annog troseddwyd i beidio â thorri'r gyfraith a sicrhau diogelwch dioddefwyr. Mae Dangosyddion Perfformiad Allweddol (KPI) Gwent yn parhau i ddangos lefel dda o bresenoldeb gan yr holl asiantaethau perthnasol yng nghyfarfodydd MAPPA ac mae'n adlewyrchiad o sut mae ethos MAPPA yn cynorthwyo asiantaethau i reoli troseddwyd ac amddiffyn y cyhoedd. Mae hyn i'w weld yn ymrwymiad partneriaid i fynychu cyfarfodydd, sydd weithiau yn cael eu trefnu ar fyr rybudd, i sicrhau bod gennym gynlluniau rheoli risg cadarn mewn lle. Mae'r KPI hefyd yn arddangos natur ymatebol achosion y cyfeirir at MAPPA ac a gaiff eu trafod yn y cyfarfodydd hynny. Mae uned MAPPA Gwent yn cael ei rheoli gan Dîm Amddiffyn y Cyhoedd ac Eiddo Cymeradwy (PPAP) Cymru ac fe'i lleolir yn swyddfeydd Gwasanaeth Prawf Gwent, sy'n sicrhau cyfathrebu agored a chysondeb mewn arferion. Fel yr asiantaeth arweiniol, mae Gwasanaeth Prawf

Gwent yn rheoli ac yn cydlynu'r holl brosesau sy'n gysylltiedig â rheoli troseddwyd yn ogystal ag achosion MAPPA. Mae hyn yn sicrhau bod dull gweithredu effeithiol a chydlynol ar waith wrth adnabod a rheoli'r risg a berir gan unigolion er mwyn lleihau aildrosedd, amddiffyn y cyhoedd a diogelu dioddefwyr. Mae Gwasanaeth Prawf Gwent yn ymdrechu'n barhaus i wella'r gwasanaethau a ddarperir a datblygu arferion sy'n ategu trefniadau MAPPA ymhellach, fel cyflwyno pwynt cyswllt unigol ar gyfer achosion MAPPA a drosglwyddir o un ardal i ardal arall drwy Gymru a Lloegr. Mae yna hefyd rai achosion eithriadol nad ydynt mwyach o dan reolaeth statudol y Gwasanaeth Prawf ac sy'n cael eu rheoli gan yr Heddlu yn unig. Pan gaiff yr achosion hyn eu hadnabod fel bod angen lefel ychwanegol o reolaeth, mae Gwasanaeth Prawf Gwent yn parhau i oruchwylio'r troseddwyd hynny yn y gymuned ar sail wirfoddol, ac mae hynny yn darparu cefnogaeth barhaus a chysylltiad â'r asiantaethau priodol ac yn sicrhau bod y troseddwyd hyn yn cael eu monitro'n briodol. Mae'r swyddogion Rheoli Troseddwyd Rhywiol a Threisgar (MOSAVOs) yn cael eu rheoli gan Uned Amddiffyn y Cyhoedd (PPU) yr Heddlu sy'n cael cefnogaeth timau plismona eraill. Mae'r rhain yn cynnwys Ymchwilyd Troseddau Seiber a Chyfyngau Digidol, sy'n gallu monitro a chraffu ar ddefnydd troseddwyd o delathrebu a'r rhyngwyd. Mae timau plismona penodol yn aml yn cael eu defnyddio i gynorthwyo MOSAVOs gyda'u gwaith ac i sicrhau cydymffurfiaeth â gorchmynion atal, tra bod timau plismona'r gymdogaeth yn chwarae rhan bwysig yn cefnogi gwaith staff arbenigol o bob asiantaeth sy'n rhan o MAPPA. Mae hyn wedi arwain at nifer o ganlyniadau llwyddiannus, a hynny o ran atal troseddwyd rhag cyflawni trosedd arall a hefyd adnabod a thaclo toriadau i orchmynion atal a gofynion hysbysu. Mae Gwasanaeth Prawf Gwent a Heddlu Gwent yn parhau i weithio'n effeithiol gyda'r partneriaid ac yn parhau i fod yn ymrwymedig i sicrhau bod MAPPA yn gweithredu'n effeithiol i leihau'r risgiau a berir gan droseddwyd yn y gymuned. Mae Carchardai HMPPS yng Nghymru hefyd yn annatod yn y broses o reoli troseddwyd sy'n cael eu cadw dan glo, ac maent hefyd yn cyfrannu at gynlluniau rheoli risg troseddwyd sy'n cael eu rhyddhau i'r gymuned er mwyn sicrhau parhad ymyriadau a bod gwybodaeth yn cael ei rhannu. Mae lledaeniad COVID-19 wedi cyflwyno sawl her o ran y cyfyngiadau sydd wedi'u cyflwyno i geisio atal lledaeniad y feirws, ond yng Ngwent ac ar draws Cymru mae mesurau arbennig wedi'u rhoi ar waith gan gynnwys defnyddio technoleg i sicrhau bod trefniadau

MAPPA yn parhau. Ceir tystiolaeth o welliannau parhaus yn ein Cynllun Strategol Blynyddol MAPPA. Mae rhannu arferion da trwy Went ac ar draws Cymru yn sicrhau bod gan gymunedau lleol a'r system cyfiawnder troseddol yn ehangach hyder yn MAPPA a'r gwaith a wneir i amddiffyn y cyhoedd. Edrychwn ymlaen at ddatblygu hyn ymhellach yn ystod 2022/23.

Ieuan Watkins a David Thomas - Cynghorwyr Lleyg MAPPA Gwent:

Fel Cynghorwyr Lleyg, mae'r ddau ohonom yn eithaf newydd yn MAPPA Gwent gan bod y ddau ohonom wedi ymuno ers dechrau pandemig Covid-19 sydd wedi newid cymaint o arferion gweithio. Er bod hyn wedi cael rhywfaint o effaith ar MAPPA hefyd, gan bod y cyfarfodydd bellach yn cael eu cynnal o bell, mae'r broses a'r strwythur o ran rheoli troseddwr yn parhau fel ag yr oedd, gyda'r egwyddorion allweddol o gydweithio, rhannu gwybodaeth a rheoli risg ar y cyd.

Rydym yn mynychu cyfarfodydd rheoli (Bwrdd Rheoli Strategol MAPPA) ac yn helpu i roi prosesau MAPPA ar waith yn yr asiantaethau partner drwy gefnogi is-grwpiau, helpu i gyflwyno hyfforddiant, ac yn hollbwysig, mynychu cyfarfodydd rheoli troseddwr (Lefel 2 ac yn benodol, Lefel 3).

Yn ystod 2022, gan weithio law yn llaw â Chydlynnydd MAPPA Gwent, mi wnaethom ddylunio a chyflwyno Hyfforddiant MAPPA pwrpasol i bartneriaid 'Dyletswydd i Gydweithredu', gan rannu ymwybyddiaeth o MAPPA drwy roi'r sgiliau i gydweithwyr fel eu bod yn teimlo'n gymwys ac yn hyderus i gyflawni eu cyfrifoldebau amlasiantaeth.

Fel unigolion 'lleyg' rydym wirioneddol yn ystyried mai ein rôl yw cynrychioli'r cyhoedd, gan sicrhau bod pobl broffesiynol yn ystyried barn y cyhoedd - h.y., beth fyddai barn y cyhoedd ynghylch y sefyllfa bresennol gyda throseddwr unigol, a yw popeth a ellid ei wneud i reoli a lleihau'r risg wedi'i ystyried.

Yn strategol, pan fydd y gwaith o reoli achos yn mynd o chwith, bydd asiantaethau yn cynnal adolygiadau achos ac yn adolygu arferion. Yn aml caiff y gwersi i'w dysgu o'r adolygiadau hyn eu rhannu gyda Byrddau Rheoli Strategol MAPPA lle trafodir y darganfyddiadau a'r gwersi i'w dysgu. Mae nifer o'r adolygiadau hyn yn adnabod cyfleoedd i gydweithio a gafodd eu methu a diffyg rhannu gwybodaeth. Mae'n bwysig ein bod yn dysgu o brofiadau eraill, ac fel Cynghorwyr Lleyg Gwent rydyn ymdrechu'n daer i gydweithredu, cydweithio a rhannu gwybodaeth ag eraill.

Yr Adran Diogelwch Gwladol

Cafodd yr Adran Diogelwch Gwladol (NSD) ei sefydlu bron i 2 flynedd yn ôl bellach. Mae'n adran o fewn y Gwasanaeth Prawf sy'n darparu gwell rheolaeth o achosion ac ymyrraeth ar gyfer troseddwr sy'n oedolion sydd fwyaf cymhleth, sy'n peri'r risg mwyaf ac sydd â phroffil uchel yn y gymuned.

Mae'r adran yn darparu gallu canolog a phwrpasol o fewn y Gwasanaeth Prawf ar gyfer y carfannau canlynol o droseddwr sy'n oedolion:

- Troseddwr a gafwyd yn euog o dan y Ddeddf Terfysgaeth/neu a oedd yn gysylltiedig â'r Ddeddf Terfysgaeth
- Troseddwr risg terfysgol sy'n cyflwyno bygythiad diogelwch cenedlaethol
- Troseddwr Troseddau Trefnedig Difrifol sy'n peri'r risg/niwed mwyaf y mae angen gwell rheolaeth arnynt; a
- Nifer o achosion CPPC cofrestredig, sef y troseddwr rhyw neu dreisgar risg uchaf/proffil uchaf sydd o ddiddordeb cenedlaethol.

Caiff troseddwr achosion NSD eu rheoli yn yr ardal ble maent yn byw oherwydd yn y mwyafrif o achosion dyna ble mae'r risg yn bodoli. Byddwn hefyd wrth gwrs mewn cysylltiad ag ardaloedd eraill y mae gan y troseddwr gysylltiad â nhw wrth gynnal trafodaethau MAPPA. Mae cydgysylltiad rhwng NSD ac Unedau Cyflawni Prawf yn sicrhau cysylltiadau cryf â rhanddeiliaid lleol, gan gynnwys gwasanaethau iechyd, tai a gwasanaethau adsefydlu lleol. Mae unedau NSD yn cynnwys seicolegwyr ffrensig pwrpasol i gefnogi agwedd sy'n wybodus yn seicolegol at reoli risg a hefyd archwilyr polygraaff, i ddarparu gwell monitro o gydymffurfiaeth ag amodau trwydded.

Mae'r NSD yn parhau i weithio gyda thîm cenedlaethol MAPPA, swyddogion heddlu gwrthderfysgaeth a gyda'r Byrddau Rheoli Strategol. Rydym wedi mewnosod yr argymhellion a wnaed yn adolygiad Jonathan Hall 2022 o MAPPA ar gyfer troseddwr terfysgol. Mae'r rhain yn cynnwys panelau MAPPA i adolygu achosion eithafwyr sy'n cynnwys staff yr heddlu, y gwasanaeth prawf a'r carchardai sy'n arbenigo mewn gwaith gwrthderfysgaeth, ond hefyd mae'n hanfodol bod y panelau yn cynnwys aelodau o asiantaethau lleol allweddol. Bydd panelau MAPPA yn cyfarwyddo defnydd cynyddol o grwpiau craidd MAPPA gan sicrhau bod y gwaith a wneir gydag achosion unigol yn gydlynol ac yn ymatebol.

Mae'r NSD wedi ymrwmo i weithio mewn partneriaeth â Byrddau Rheoli Strategol i sicrhau trefniadau MAPPA o ansawdd uchel. Bydd y Panelau MAPPA arbenigol yn darparu gwybodaeth am ddangosyddion perfformiad allweddol i Fyrddau Rheoli strategol a byddant hefyd yn cymryd rhan mewn hyfforddiant, gwaith archwilio a gweithgareddau arsylwi. Bydd unedau NSD yn adrodd yn ffurfiol i Fyrddau Rheoli Strategol yn rheolaidd, o leiaf bob blwyddyn.

Bydd NSD yn gweithio'n agos â phartneriaid allweddol a rhanddeiliaid ac yn sicrhau bod ein datblygiadau wedi'u halinio â newidiadau ehangach yn y tirwedd diogelwch cenedlaethol.

Cyhoeddir pob adroddiad MAPPA o Gymru a Lloegr ar-lein yn:

www.gov.uk



**HEDDLU
GWENT
POLICE**